

四庫全書

史部

欽定四庫全書

史部

欽定熱河志卷八

六至

詳校官編修

臣曹城

檢討

臣德生覆勘

總校官舉人

臣章維桓

校對官編修

臣戴心亨

謄錄監生

臣陶嗣曾

欽定四庫全書

欽定熱河志卷八十六

宦蹟

熱河職官先後蒞茲土者詳志題名以紀官守矣
而前代職官自北魏以迄遼金元英聲茂實代不
乏人雖事蹟散見史傳而歲月無可考據難以編
次謹採各本傳次第臚列用備舊聞志宦蹟第十
七其官本州郡者繫之人物云

北魏

安豐王猛 魏書安豐王猛傳猛字季烈太和五年封加侍中出為和龍鎮都大將營州刺史寬仁雄毅甚有威畧薨于州

張度 魏書張袞傳張袞上谷漁陽人子度襲爵臨渭侯上谷太守除使持節都督幽州廣陽安樂二郡諸軍事轉和龍鎮都大將所在著稱

于洛拔 魏書于栗磾傳于栗磾代人子洛拔以

功臣子拜侍御中散擢領監御曹事出為使持節
散騎常侍寧東將軍和龍鎮都大將營州刺史以
治有能名進號安東將軍

封回 魏書封懿傳封懿渤海蔣人以族子叔念
為後高祖賜名回皇興初襲爵富城子世宗即位
尋除鎮遠將軍安州刺史山民愿撲父子賓旅同
寢一室回下車勒令別處其俗遂改

江文遥 魏書江悅之傳江悅之濟陽考城人子

文遙少有大度肅宗初平原太守遷後將軍之安
州刺史善于綏納甚得物情時杜洛周葛榮等相
繼叛逆自幽燕以南悉皆淪陷惟文遙在介羣賊
之外孤城獨守鳩集流餘且耕且戰百姓皆樂為
用建義元年卒于州長史許思祖等以文遙遺愛
在民復推其子果行州事莊帝除果通直散騎侍
郎假節龍驤將軍行安州事當州都督既而賊勢
轉盛臺援不接果以阻隔強寇內徙無由乃攜詣

弟并率城民東奔高麗天保中詔高麗送果等元
象中還朝

北齊

王峻 北齊書王峻傳王峻靈邱人明悟有幹畧
累遷恒州大中正隨諸軍平淮陰賜爵北平縣男
除營州刺史州地接邊城賊數為患峻遠設斥候
廣置疑兵常出其不意要擊之賊不敢發合境獲
安先是刺史陸士茂詐殺室韋八百餘人朝貢遂

絕至是峻分命將士要其行路室韋果至大破之
虜其首帥而還因厚加恩禮放遣之室韋遂納誠
款初茹茹主人羅辰率其餘黨東徙峻度其必來
預為之備未幾菴羅辰頓軍城西峻設奇伏大破
之獲其名王郁久閭豆拔提等數十人送京師菴
羅辰遁走天統二年授驃騎大將軍儀同三司尋
加開府武平初除侍中四年卒贈司空公

高保寧 北齊書高保寧傳高保寧代人武平末

為營州刺史鎮黃龍周師將至鄴幽州行臺潘
子晃徵黃龍兵保寧率驍銳并契丹靺鞨萬餘騎
赴救至北平聞鄴都不守歸周帝遣使招慰不受
敕書范陽王紹信在寢殿中上表勸進范陽署保
寧為丞相及盧昌期據范陽城起兵保寧紹信引
集兵數萬騎救之至潞河知周將宇文神舉已屠
范陽還據黃龍竟不臣周

隋

陰壽

成道昂

隋書陰壽傳陰壽武威人周世屢

以軍功拜儀同從武帝平齊進位開府拜幽州總
管封趙國公開皇初高寶寧引突厥攻圍北平壽
率步騎數萬出盧龍塞討之保寧求救于突厥突
厥不能援保寧棄城奔于磧北黃龍諸縣悉平等
班師留開府成道昂鎮之保寧遣其子僧伽率廣
騎掠城下而去尋引契丹靺鞨之衆來攻道昂苦
戰乃退壽患之遣人陰間其所親任趙世模等月

餘世模率其衆降寶寧復走契丹為其麾下所殺
北邊遂安

謹按寶寧北齊書作保寧

韋雲起 舊唐書韋雲起傳韋雲起雍州萬年人
大業初為通事謁者會契丹入抄營州詔雲起護
突厥兵往討契丹部落啟明可汗發騎二萬受其
處分雲起分為二十四營四道俱引營相去各一
里不得交雜聞鼓聲而行聞角聲而止自非公使

勿得走馬三令五申之後擊鼓而發軍中有犯約者斬統千一人以徇于是突厥將帥來入謁之皆膝行股戰莫敢仰視契丹本事突厥情無猜忌雲起既入其界使突厥詐云向柳城郡欲共高麗交易勿言營中有隋使敢漏泄者斬契丹不備去賊營百里詐引南度夜復退還去營五十里結陣而宿契丹弗之知既明俱發馳騎襲之盡獲其男女四萬口女子及畜產以半賜突厥餘將入朝男子

皆殺之煬帝大喜集百官曰雲起用突厥而平契
丹行師奇譎才兼文武又立朝審諤朕今親自舉
之擢為治書御史

謹按紇干新唐書為紇斤

韋冲 隋書韋世康傳韋世康京兆杜陵人弟冲
拜營州總管容貌都雅寬厚能得衆心懷撫韎韜
契丹皆能致其死力奚霫畏懼朝貢相續

唐

張儉 唐書張儉傳張儉京兆新豐人以功除右
衛郎將累遷營州都督兼護東夷校尉坐事免詔
白衣領職營州部與契丹奚靺鞨諸蕃接畛高
麗引衆入寇儉率兵破之俘斬畧盡復拜營州都
督太宗將征遼東遣儉率蕃兵先進畧地至遼西
川漲久未度召還見洛陽宮陳水草美惡山川險
易并久不進狀帝悅拜行軍總管使領諸蕃騎為
六軍前鋒趨建安城破賊斬數千級封皖城郡公

程名振 唐書程務挺傳程務挺洛州平恩人父
名振高祖詔授永寧令使率兵經畧河北劉黑闥
陷洛州母妻為賊所得名振率衆邀擊糧道悉毀
賊水陸餉具黑闥怒殺其母妻賊平請手斬黑闥
以其首祭母拜營州刺史封東平郡公轉洛州刺
史太宗征遼東拜右驍騎將軍平壤道行軍總管
遷營州都督兼東夷都護擊高麗于貴端水焚其
新城歷晉蒲二州刺史饒方道總管

李晦 新唐書河間元王孝恭傳子晦乾封中為
營州都督以治狀聞璽書勞賜遷右金吾將軍檢
檢雍州長史摧擿奸伏無留隱吏下畏之高宗將
幸洛晦居守謂曰闕中事一以屬公故晦治有異
績

宋慶禮 舊唐書宋慶禮傳宋慶禮洛州永年人
開元初為貝州刺史河北度支營田使元宗欲復
營州于柳城慶禮盛陳其利詔慶禮等築城興役

三旬而畢拜慶禮御史中丞兼檢校營州都督開屯田八十餘所數年間倉廩頗實居人漸殷慶禮為政清嚴勤于聽理所歷之處人吏不敢犯卒贈工部尚書謚曰敬

姜師度 唐書姜師度傳姜師度魏州魏人元宗徙營州治柳城拜營田支度修築使

李謹行 唐書李謹行傳李謹行靺鞨人偉容貌勇蓋軍中累遷營州都督家童至數千以貲自雄

夷人畏之

遼

牛溫舒 遼史牛溫舒傳牛溫舒范陽人剛正尚
節義壽隆中拜參知政事兼同知樞密院事攝中
京留守部民詣闕請真拜從之召為三司使

耶律富勒敦

舊作耶律僕里篤今改正

遼史耶律富勒敦傳

耶律富勒敦六院林牙圖魯下

舊作突呂不也今改正

四世

孫太平十六年和興中府以獄空聞清寧初歷長

寧匡義二軍節度使致仕

耶律古昱 遼史耶律古昱傳耶律古昱北院林牙圖魯卜四世孫有膂力工馳射開泰間詔鎮撫西北部中京盜起命古昱為巡邏使悉擒之以功
歷開遠軍天成軍節度使卒贈同中書門下平章事

耶律孟簡 遼史耶律孟簡傳耶律孟簡裕悅烏

珍

舊作於越屋質今改正

之五世孫乾統中遷六院部太保

改高州觀察使修學校招生徒遷昭德軍節度使
以中京饑詔與學士劉嗣昌減價糶粟

馬人望 遼史馬人望傳馬人望以才學稱咸雍中
第進士為松山縣令歲運澤州官炭獨役松山人

望請於中京留守蕭托歡

舊作吐渾
今改正

均役他邑托

歡怒下吏繫幾百日復引詰之不屈蕭喜曰君為
民如此後必大用以事聞于朝悉從所請擢中京
度支司鹽鐵判官公私兼裕遷警巡判官公私兼

裕遷警巡使京城獄訟填委人望處決無一寃者遷
南京諸宮提轄制置歲中為保靜軍節度使有二
吏克暴民畏如虎人望假以辭色陰令發其事黥
配之是歲諸處饑惟人望所治粒食不闕路不鳴
桴遙授彰義軍節度使遷中京度支使始至府廩
皆空視事半歲積粟十五萬斛錢二十萬緡累遷
樞密直學士拜參知政事判南京三司使事以守
司徒兼侍中致仕卒諡曰文獻

金

完顏宗翰 金史完顏宗翰傳完顏宗翰本名粘

沒喝漢語訛為粘罕國相薩該

舊作撒改今改正

之長子

也年十七軍中服其勇及議伐遼宗翰與太祖意

合太祖敗遼師于境上獲耶律色什

舊作謝十今改正

薩

該使宗翰及完顏希尹來賀捷即稱帝為賀及太

宗以下宗室羣臣皆勸進太祖猶謙讓宗翰與阿

里罕懣

舊作阿离合懣今改正

普嘉努

舊作蒲家奴今改正

等進曰若

不以時建號無以繫天下心太祖意乃決天輔五年四月宗翰奏曰遼主失德中外離心我朝興師大業既定而根本弗除後必為患今乘其釁可襲取之天時人事不可失也太祖然之即命諸路戒備軍事十一月宗翰復請曰諸軍久駐人思自奮馬亦壯健宜乘此時進取中原羣臣言時方寒太祖竟用宗翰策於是烏赫哩貝勒杲

舊作忽魯勃極烈杲今改

正都統內外諸軍普嘉努宗翰魯宗翰

疑有誤宗磐

副之宗峻領哈濟明安

舊作合扎猛
安今改正

皆授金牌伊

都

舊作余都
今改正

為嚮導取中京實北京既克中京宗

翰率偏師趨北安州與羅索

舊作婁室
今改正

圖克坦綽

囉

舊作徒單綽
里今改正

合兵大敗奚王哈瑪爾

舊作霞末
今改正

北安遂降熙宗即位拜太保尚書令領三省事封

晉國王乞致仕不許天會十四年薨追封周宋國

王正隆二年例封金源縣王大定間改贈秦王諡

桓忠配享太祖廟廷

完顏阿喜 金史完顏阿喜傳完顏阿喜宗室子

好學問襲父北京路筭柏山明安聽訟明決人信

愛之察廉能除彰國軍節度使副改上京留守判

官

布色

舊作僕散
今改正

忠義

金史布色忠義傳布色忠

義本名烏哲

舊作烏者
今改正

上京博勒和

舊作拔廬古
河今改正

人魁偉長髯喜談兵有大畧年十六領本穆琚

舊作

謀克今
改正

兵從宗輔定陝西世宗立拜尚書右丞伊

刺鄂幹

舊作移刺窩
幹今改正

僭號兵久不決右副元帥完

顏默音

舊作謀衍
今改正

既敗之于霧霖河乃擁衆貪鹵

掠不追討而縱其子色克

舊作斜哥
今改正

暴橫軍中士

卒不用命賊得水草善地官軍踵其遺餘水草乏

馬益弱賊軼出山西久無功忠義請曰契丹小寇

不時殄滅致煩聖慮臣聞主憂臣辱願効死力除

之世宗大悅即召還默音勒歸色克本貫拜忠義

平章政事兼右副元帥封榮國公賜以御府貂裘

賓鐵吐鵲弓矢大刀具裝對馬及安山鐵甲金牌
忠義至軍賊陷靈山同昌惠和等縣陣而西行忠
義追之及于花道宗亨為左翼宗叙為右翼與賊
而陣賊渡河先攻左翼偏敗右翼救之賊引去鄂
幹乃以精銳自隨以羸兵護其母女輜重由別道
西走期於山後會集追復及於梟嶺西陷泉與賊
遇時昏霧四塞跬步莫覩物色忠義禱曰狂寇肆
暴殺戮無辜天不助惡當為開霽奠己昏霧廓然

及戰忠義左據南岡為偃月陣右迤而北大敗之

獲其弟紐

舊作巢
今改正

俘生口三十萬獲襍畜十餘萬

車帳金珍以鉅萬計悉分諸軍賊走趨奚地遣將

追躡至七渡河又敗之既踰渾嶺復進軍襲之望

風奔潰遁入奚中降者相屬於路契丹平忠義朝

京師拜尚書左丞相封沂國公大定六年薨謚武

莊泰和元年配享世宗廟廷

赫舍哩

舊作紇石
烈今改正

志寧

金史赫舍哩志寧傳赫

舍哩志寧本名薩哈連

舊作撒曷
輩今改正

上京和坦

舊作
胡塔

今改正

安人沉毅有大畧世宗使完顏默音征鄂斡

志寧以臨海節度使都統右翼軍鄂斡敗于長樂

西走志寧追及于霧霖河大破之於是元帥默音

右監軍福壽不急擊賊久無功右丞布色忠義親

自討賊而志寧擊賊有功上以忠義代默音志寧

代福壽封定國公賊畧懿州界陷靈山同昌慶和

三縣睥睨北京會土河水漲賊不得渡乃西趨三

韓縣志寧方追躡之不敢乘勝遂西走是時大軍
馬瘦弱諸將欲止勿追志寧獲賊候人知賊自選
精銳與老小輜重分道期山後會集可擊其輜重
忠義以為然遂過移馬嶺進及裒西陷泉擊之賊
衆大敗涉水走鄂幹母徐輦舉營由羅和

舊作落
括今改

正岡西去追及之盡獲其輜重俘五萬餘人襍畜
不可勝計偽節度使六及其部族皆降鄂幹走奚
中至七渡河復敗之賊過渾嶺入于奚中志寧獲

賊將碩和卓

舊作稍合
住今改正

釋弗殺許以官賞縱之歸

約以捕鄂幹自効碩和卓去見鄂幹祕不言見獲事

乃反間奚人于鄂幹曰陷衆失利奚人有貳志不

可不察是時鄂幹屢敗其下亦覺有心碩和卓乃

與賊帥舍圖肯

舊作神獨
幹今改正

執鄂幹詣右都監完顏

思敬降志寧與萬戶清臣宗寧蘇格

舊作連哥
今改正

等

追捕餘黨至燕子城盡得所畜善馬因至茂巴勒

舊作抹拔
里今改正

達之地悉獲之逆黨既平入朝為左副

元帥賜以玉帶經畧宋事駐軍睢陽拜平章政事
封鹿平郡王薨明昌五年配享世宗廟廷

努延溫騰烏達

舊作緡溫敦
兀帶今改正

金史努延溫騰烏

達傳努延溫騰烏達太師思忠侄也學問通達累
官同知太興尹京師盜賊止息事無留滯再遷尚
書正隆伐宋為武定軍都總管世宗即位授咸平
尹為北邊行軍都統改會寧尹都統如故是時初
定鄂斡人心未安烏達為治寬簡多備禦謹斥候

邊郡以寧改北京留守以廉察舉烏達所在有能
名無私過入拜參知政事

梁肅

金史梁肅傳梁肅字孟容奉聖州人天眷

二年擢進士第調平遙縣主簿遷望都絳縣主以
廉入為尚書省令使除定海節度副使改中都警

巡使遷山東西路轉運副使宛平趙植上書曰前
中都警巡使梁肅勤恪清廉願加進擢改大興少
尹坐捕蝗不如期貶川州刺史削官一階解職上

御史便召左諫議大夫奚顗等訪問古今事少間
顗從容請曰梁肅材可惜解職太重上曰卿言是
也乃除河北東路轉運副使致仕薨謚正憲

伊喇

舊作移喇
今改正

子敬

金史伊喇子敬傳伊喇子

敬本名烏克德呼

舊作屋骨朵
魯今改正

遼五院人讀書好

學轉簽書樞密院事同修國史出為河中尹請老
河中地熱上恐子敬不耐暑改興中尹子敬女自
懿州來興中省謁過盜途中剽掠其行李且盡既

而還之謝曰我輩初不知為府尹家也尹有德于民
忍侵犯耶徙咸平廣寧尹致仕

高德基 金史高德基傳高德基遼陽渤海人皇
統二年進士大定三年以察廉治狀不善下遷同
知北京路都轉運使事是年秋土河泛濫水入京
城德基遽命開長樂門疏分使入御溝以殺其勢
水不能為害

賈少冲 金史賈少冲傳賈少冲通州人天眷二

年進士調營州軍事判官遷定安令大定二年調御史臺典事累遷刑部郎中往北京決獄奏誅首惡牽連者皆釋不問全活千人以本職攝右司員外郎改順天節度使卒

伊喇鄂爾多

舊作移刺幹里朶今改正

金史伊喇鄂爾多傳

伊喇鄂爾多一名巴沁

舊作八斤今改正

系出遼五院使

通契丹字正隆間轉同知北京留守事會伊庫

舊作

遊古今改正

河闌子山等明安契丹謀亂時方發兵討

之別遣鄂爾多揮軍南下至松山縣為賊黨江哥
所執推為主盟要以契約鄂爾多怒曰我受國厚
恩豈能從汝反耶寧殺我契約不可得也賊知不
可屈乃困辱之使布衣草履逐馬而行且欲害之
鄂爾多說其監奴因得脫還六年九月改北京路
轉運使大定初為博州防禦使改通遠軍節度使
卒

大懷貞 金史大懷貞傳大懷貞字子正遼陽人

皇統五年除閣門祇候大定二年遷彰國安武軍
節度使改興中尹錦州富民蕭鶴壽殺人匿府少
尹家有司捕不得懷貞以計取之寘於法改彰德
軍節度使卒

伊喇富森

舊作多刺福
僧今改正

金史伊喇富森傳伊喇

富森東北路烏楞古

舊作烏連
苦今改正

河猛安人以蔭

補吏部令使簽北路臨潢按察事興中治中莫州刺
史上言沿邊軍官私役軍人邊防不治及擾動等事

按察司專一體究各路宣差提控嚴勒禁治詔尚書省行之大安初改沃州同知興中府事督民治城郭浚濠為禦守備百姓頗怨頃之兵果至攻其北城富森戰其北使備其西薄暮果攻其西以有備解去

盧克忠

金史盧克忠傳盧克忠貴德州鳳集人

大定二年除北京副留守會民艱食克忠下令凡有蓄積者計留一歲悉平其價糶之由是無捐瘠之患轉陳州防禦使後以靖難軍節度使致仕卒

劉煥 金史劉煥傳劉煥中山人天德元年進士
累遷北京警巡使捕二惡少杖於庭中戒之曰孝
弟敬慎則為君子暴戾隱賊則為小人自今以往
毋徂于故習國有明罰吾不得私也自是無敢犯
者召為監察御史父老數百人或卧車下挽靴鐙
曰我欲復留使君期年不可得也尋遷同知北京
留守事世宗幸上京所過州郡大發民夫治橋梁
馳道以希恩賞煥所部惟平治端好而已上嘉其

意遷遼東路轉運使卒

傳慎微 金史傳慎微傳慎微其先秦州沙漠人遷居長安宋末登進士累官河東路經制使宗翰已克汴京使羅索定陝西慎微率衆迎戰兵敗被獲元帥宗翰愛其才學起為陝西經畧使尋轉中京副留守累遷太常卿除定武軍節度使移靖難軍大定初復為太常卿遷禮部尚書卒

元

穆呼里

舊作木華
黎今改正

元史穆呼里傳穆呼哩扎剌

兒氏世居阿難水東太祖即位命統諸軍征遼東

次高州盧琮金朴以城降裨將蕭額森

舊作也先
今改正

以計平定東京進攻北京金人殺守將銀青推音

達渾

舊作寅塔
虎今改正

為帥遂舉城降穆呼哩怒其降緩

欲坑之蕭額森曰北京為遼西重鎮既降而坑之

後豈有降者乎從之奏音達渾留守北京以烏葉

爾

舊作吾也
而今改正

權兵馬都元帥鎮之遣高德玉劉布

色鄂爾

舊作蒲速窩
兒今改正

招諭興中府同知烏里布

舊作

兀里卜
今改正

不從殺布色鄂爾德玉走免未幾吏民殺

烏里布推土豪石天應為帥舉城降奏為興中尹

兵馬都提控錦州張鯨聚衆十餘萬殺節度使稱

臨海郡王至是來降詔穆呼哩以鯨總北京十提

控兵從呼蘭

舊作忽蘭
今改正

南征未附州郡穆呼哩密

察鯨有反側意請以蕭額森監其軍至平州鯨稱

疾逗留復謀遁去蕭額森執送行在誅之鯨弟致

憤兄被誅據錦州叛略平灤瑞利義懿廣寧等州穆

呼哩率蒙古巴哈

舊作不花
今改正

等軍數萬討之進逼

紅羅山主將杜秀降奏為錦州節度使致陷興中府

進兵臨興中先遣烏葉爾等攻溜石山諭之曰今

若急攻賊必遣兵來援我斷其歸路致可擒也又

遣蒙古巴哈屯永德縣東候之致果遣鯨子東平

將騎兵八千步卒三萬援溜石蒙古巴哈引兵趨

之馳報穆呼哩夜半引兵疾馳遇于神水縣東夾

擊之分麾下兵之半下馬步戰選善射者數千令
曰我步兵無甲疾射之乃麾騎兵齊進大敗之拔
開義縣進圍錦州致遣張太平高益出戰又敗之
圍守月餘致憤將校不戮力殺敗將二十餘人高
益懼縛致出降伏誅詔封太師國王都行省承制
行事薨至治元年詔封魯國王謚忠武子博囉

舊作

字魯今
改正 嗣

烏葉爾

舊作吾也
而今改正

元史烏葉爾傳烏葉爾沙卜

珠

舊作珊竹
今改正

氏狀貌甚偉腰大十圍父曰圖魯噶

察

舊作圖魯華
察今改正

以武勇稱太祖九年從太師穆呼

哩取北京領兵為先驅下之捷聞授金紫光祿大夫北

京總管都元師留撫其人綏懷有方自京以南相繼來降

金將塔倫

舊作撻魯
今改正

以惠州漁河口為隘有衆數萬圖

復北疆烏葉爾以銳兵千人擊摧其鋒殺數千人獲其旗

鼓羊馬斬塔倫于軍中趙守王據興州烏葉爾討平之張

致以錦州叛又攻破之穆呼哩大喜以馬十匹甲五

事實其功十二年充北京東京廣寧蓋州平州泰
州開元府七路征行兵馬都元師佩虎符卒

塔本

元史塔本傳塔本伊拉古爾

舊作伊吾
廬今改正人

初從太祖討諸部屢阨艱危復從圍燕征遼西下
平灤白霄諸城軍士有妄殺人者塔本戒之曰國
之本民也殺人得地何益于國且畏無罪以堅敵
心非上意太祖聞而喜之賜金虎符俾鎮撫白霄
諸郡號行省都元帥管內得承制除縣吏死因得

專決久之徙治興平卒封營國公諡忠武

史秉直

子天倪天安任天祥

元史史天倪傳史天倪燕之永

清人父秉直讀書尚氣義太師國王穆呼哩統兵
南伐所向殘破秉直聚族謀所以自全知降者皆
得免乃率里中老稚數千人詣涿州軍問降穆呼
哩欲用秉直秉直辭而薦其子乃以天倪為萬戶
而命秉直管領降人家屬屯霸州秉直拊循有方
遠近聞而附者十餘萬家尋遷之漠北降人道飢

秉直得所賜牛羊悉分食之多所全活從穆呼哩
攻北京北京降穆呼哩承制以秉直行尚書六部
事主饋餉軍中未嘗乏絕以老謝事歸鄉里卒三
子長天倪次天安次天澤天澤自有傳天倪始生
之夕白氣貫庭成童姿貌魁傑穆呼哩見而奇之
既以萬戶統諸降卒從穆呼哩略地三關已南至
于東海所過城邑皆下因言于穆呼哩曰金棄幽
燕遷都于汴已失策矣遼水東西諸郡金之腹心

也我若得大寧以扼其喉襟則金雖有遼陽終不能保矣穆呼哩善之從攻高州又從攻北京皆不戰而克授右副都元帥改賜金虎符武仙降穆呼哩承制以天倪為金紫光祿大夫河北西路兵馬都元帥行府事仙副之仙之黨據西山腰水鐵壁二砦以叛天倪直搗其巢穴盡掩殺之仙怒謀作亂乃設宴邀天倪有知者止毋往天倪不從遂為仙所殺天倪之赴真定也秉直密戒之曰觀武仙辭

氣終不為用宜備之天倪曰我以赤心待人人或相負天必不容願無慮秉直乃攜其孫楫權還北京至是人服其先識先是天倪擊鞠夜歸大星隕馬前有聲心惡之果及禍天倪死時年三十九妻程氏聞亂恐污于賊乃自殺子五人其三人尚幼俱死于難惟楫權在天倪弟天安字甫全秉直仲子也秉直降太師穆呼哩以其兄天倪為萬戶而質天安軍中從討錦州叛人張致平之從略地關

右生擒鄜州驍將張資祿號鐵鎗者武仙殺天倪
於真定天安率衆來會天澤併力攻仙敗走之以
功授行北京元帥府事撫治真定

謹按史天澤傳天澤秉直季子從其兄天倪帥
真定天倪遣護送其母歸北京什訥台

舊作肖
乃台今

改正傳云天澤送母還白霄副帥武仙殺天倪王

守道傳云天澤攻仙天安在白霄聞變率其兵
亦至蓋秉直雖永清人以其為北京元帥故有

歸北京還白霄之文初非流寓今以秉直天倪
天安入宦蹟而天澤不錄

秉直侄天祥父懷德尚書秉直之弟也太師國王
穆呼哩從太祖伐金天祥隨秉直迎降於涿穆呼
哩命懷德就領其黑軍隸帳下署天祥都鎮撫選
降卒身長武勇者二百人使領之招徠丁壯得衆
萬餘從取霸州文安大成滄濱長山等二十餘城
東下淄沂密三州所至皆先登詔賜以銀符從大

軍攻燕不克略地高州拔惠和金源和衆龍山利
建富庶等十五城惟大寧固守不下天祥獲金將

完顏和斯

舊作胡達
今改正

穆呼哩欲殺之天祥曰殺一人無

損于敵適驅天下之人為吾敵也且其降時嘗許
以不死今殺之無以取信于後不若從而用之乃
以為千戶復合衆攻其城懷德先登擒其二將為
流矢所中歿于軍乃以所統黑軍命天祥領之天

祥憤痛父死攻之愈急與大帥烏葉爾

舊作野兒
今改正

降其北京留守伊德呼

舊作銀答忽今改正

同知烏庫哩

舊作

烏古倫今改正

進攻北京傍近諸寨磨雲山王都統首詣

軍門降天祥命入列崖擒都統布拉克

舊作不刺今改正

釋其縛曉以大義布拉克感泣願效死天祥察其

誠許與王都統往說降城子崖旺嘉努

舊作王家奴今改正

乃命三人各將舊卒付空名告身使諭樓子崖等

二十餘寨悉降西乾河達魯

舊作答魯今改正

五指山揚

兆努

舊作楊趙奴今改正

固守不下天祥擊之大小百餘戰

兆努死達魯敗走復聚衆攻龍山復大敗之達魯
戰死進克興中府張致盜據錦州從穆呼哩討平
之會契丹漢軍擒闡肅復利州殺劉祿於銀冶遷鎮
國上將軍利州節度黎許部降民都總管監軍兵
馬元帥徇西夏破賀蘭山還遇賊射傷額出血目
為之昏歸北京授右副北京等七路兵馬都元帥
朝太宗于臚朐河乞致仕不允太宗用兵河南強
之從行轉漕河上給餉諸軍命領汴京百工數千

屯霸州之益津行元帥府事賜錦衣一襲初天祥
夜中流矢鏃入頰骨不能出至是金瘡再發族自
口出睿宗聞而閔之授海濱和衆利州等處總管
兼領霸州御衣局人匠都達魯噶齊舊作達魯花赤今改正
行北京七路兵馬都元帥府事憲宗即位俾仍舊
職以疾卒

舒穆魯額森

舊作石抹也
先今改正

元史舒穆魯額森傳

舒穆魯額森者遼人也其先嘗從蕭后舉族入宥

厥及后還而族留至遼為舒嚕

舊作遂律
今改正

氏號稱

后族遼亡改舒嚕氏為石抹氏勇力過人善騎射

多智畧豪服諸部聞太祖起朔方匹馬來歸首言

東京為金開基之地蕩其根本中原可傳檄而定

也太祖悅命從太師國王穆呼哩取東京師過臨

潢次高州穆呼哩令額森率千騎為先鋒額森曰

兵貴奇勝何以多為謀知金人新易東京留守將

至額森獨與數騎邀而殺之懷其所受誥命至東

京易置其將佐部伍三日呼穆哩至移師圍北京
城久不下及城破將屠之額森曰王師拯人水火
彼既降而復屠之則未下者人將死守天下何時
定乎因以上聞赦之授御史大夫領北京達嚕噶

齊

舊作達嚕花
赤今改正

時石天應與豪酋數十據興中府

額森分兵降之奏以為興中尹又命額森副托和

倫

舊作脫忽
關今改正

色勒

舊作闡里
今改正

必監張鯨等軍征燕

南未下州郡至平州鯨稱疾不進額森執鯨送行

在所帝責之曰朕何負汝鯨對曰臣實病非敢叛
帝曰今呼汝弟致為質當活汝鯨諾而宵遁額森
追殺之致已殺使者應其兄矣致既伏誅額森藉
其私養敢死之士萬二千人號黑軍者上于朝賜
虎符進上將軍以御史大夫提控諸路元帥府事
舉遼水之西灤水之東悉以付之後從國王穆呼
哩攻蠡州北城先登中石死子察喇

舊作查喇
今改正

亦

善射襲御史大夫領黑軍從穆呼哩攻平陽太原

隰吉岢嵐關西諸郡下之從國王塔斯

舊作塔思
今改正

征金帥宣撫萬奴于遼東之南京先登衆軍乘之
而進遂克之王解錦衣以賜太宗嘉其功授真定
北京兩路達魯噶齊卒于柳城

舒穆魯拜達勒

舊作石抹字
迭兒今改正

元史舒穆魯拜達

勒傳舒穆魯拜達勒契丹人仕金為霸州平曲水
寨管民官太師國王穆呼哩率師至霸州拜達勒
迎降穆呼哩察其智勇奇之擢為千戶從覲太祖

于雄州佩以銀符充漢軍都統帝次牛欄山欲盡
戮漢軍穆呼哩以拜達勒可用奏釋之因請隸麾
下從平高州授左監軍佩虎符以北京都元帥烏
葉爾分領錦州紅羅山北京東路漢軍二萬始從
征伐及後為將大小百戰所至有功以疾卒于官
姚天福 元史姚天福傳姚天福絳州人父居實
避兵徙鴈門天福幼讀春秋通大義及長以材辟
懷仁丞至元五年詔立御史臺以天福為架閣管

勾尋拜監察御史遷山北道按察使其民鮮知稼
穡天福教以樹藝皆致蕃富民為建祠刻石紀之
大德二年授江西行省叅政以疾辭四年拜叅知
政事大都路總管兼大興府尹以疾卒

王忱 元史王忱傳王忱讀書明敏有才識平章

趙壁引見裕宗潛邸語稱旨命宿衛掌錢穀計簿

授山北遼東道提刑按察司副使駙馬博和哩

舊作

伯忽里數馳獵蹂民田忱以法繩之憲吏耿熙言

今改正

徵北京宣慰司積年逋負計可得鈔二十萬錠帝遣使覈實熙懼事露擅增制語有并打算大小一切諸衙門等事凡十二字追繫官吏至數百人枕驗問知其詐熙乃款伏裕宗薨于潛邸忱建言陛下春秋高當早建儲嗣平章布呼密

舊作不忍
本今改正以

聞帝嘉納焉至大三年拜中奉大夫雲南行省叅知政事未行卒

伊蘇

舊作也述
今改正

元史伊蘇傳伊蘇蒙古人倜儻

有能名拜中書平章政事改行省淮南賊陷大寧詔
伊蘇往討之至侯家店遇賊即前與戰自昏抵曙
散而復合伊蘇遣別騎繞出賊後賊腹背受敵大
敗之遂拔大寧擒首賊湯通周成等三十五人磔
于都市召入覲賞賚優渥進階金紫光祿大夫知
樞密院事既而賊雷特穆爾巴哈舊作帖木兒
不花今改正程
思忠等陷永平詔伊蘇出師遂復灤州及遷安縣
時遼東郡縣惟永平不被兵儲粟十萬芻藁山積

居民殷富賊乘間竊入增土築城因河為塹堅守
不可下伊蘇乃外築大營絕其樵採數與賊戰獲
其偽師二百餘人平山寨數十又復昌黎撫寧二
縣擒雷特穆爾巴哈送京師賊急乃乞降于叅政
徹爾特穆爾

舊作徹力帖
木爾今改正

為請命于朝詔許之命

伊蘇退師伊蘇度賊必以計怠我師乃嚴備以偵
之程思忠果棄城遁去亟追至瑞州殺獲萬計賊
遂東走金復州詔還京師拜遼陽行省左丞相知

行樞密院事撫安迤東兵農委以便宜開省于永
平總兵如故金復海蓋乾王等賊並起西侵興中州
陰由海道趨永平聞伊蘇開省乃止伊蘇分兵防
其衝突賊乃轉攻大寧為守將王聚所敗斬其渠
魁衆潰西走伊蘇慮賊上窺都即調石丞和哩台
舊作忽林擊破之賊衆又大潰永平大寧于是始
台今改正平乃分命官屬勞來安集其民使什伍相保以事
耕種民為立石頌勲德博囉特穆爾

舊作字羅帖
木兒今改正

伏誅詔以伊蘇為中書右丞相分省山東明兵取
山東伊蘇禦於莫州衆敗潰乃盡掠莫州殘民北
遁

達爾瑪實哩

舊作達禮麻
識理今改正

元史達爾瑪實哩傳

達爾瑪實哩怯列台氏其先北方大族幼穎敏至
正五年經筵充選譯史累遷至上都留守兼開平
府尹加榮祿大夫分司土嶺東鎮三州以督轉輸
二十四年朝廷以前中書平章政事達實特穆爾

舊作

塔失帖木兒今改正

來為留守時博囉特穆爾擁兵京師而

皇太子出居于外達爾瑪實哩與達實特穆爾皆以

忠義許國相與結人心以觀時變未幾改授達實

特穆爾為大司徒達實特穆爾謂達爾瑪實哩曰

我至京師則制于強臣未易圖也因留不行適都

濟爾

舊作脫吉兒今改正

以博囉特穆爾命屯兵噶爾

舊作益里

今改正

泊託腹心于宗王伊蘇也不堅授以金印俾

駐上都東郊而以留守善安集兵于幹齊爾

舊作瓦吉

刺令改正部落達爾瑪實哩過之有禮善安辭去博囉

特穆爾復調特穆爾托和

舊作託忽今改正

蘇克

舊作速哥今改

正

至上都以守禦為名事益矛盾達爾瑪實哩與

之周旋畧無幾微見于外而密遣前宗正札爾古

齊

舊作札魯忽赤今改正

伊埒特穆爾

舊作月魯帖木兒今改正

潛通音

問于抗呼哈拉海

舊作罕哈海刺海今改正

行樞密知院伊勒

塔拉

舊作益老塔兒今改正

請亟調兵南行又遣留守司照

磨陳恭取兵興州訪求在閑官吏之有才者約束

東西手巴勒噶齊

舊作八喇哈
赤今改正

虎賁司糾集丁壯

苗軍火銃什伍相聯一旦布列鐵旂竿山下揚言

四方勤王之師皆至特穆爾等大駭一夕東走其

所將兵盡潰由是達爾瑪哩增修武備備城守益

嚴二十五年皇太子在冀寧命立上都分省達實

舊作達世
今改正

特穆爾為平章政事達爾瑪實哩為右

丞便宜行事以固護根本圖沁

舊作禿堅
今改正

特穆爾

用博囉特穆爾命以兵犯上都先遣利用少監特

爾格齊

舊作帖里哥
赤今改正

至上都令廣備糧餼遠近大

軍達爾瑪實哩開陳大義戮之于市民情乃定已

而圖沁特穆爾率鐵甲馬步軍蔽野而至呼聲動

天達爾瑪實哩申明順逆之理以安人心巡視城

壁晝夜不息夜遣死士縋城下焚其攻具而調副

留守圖嚕默色哈雅

舊作禿魯迷失
侮牙今改正

引兵由小東

門出與之戰大卧龍岡敗之未幾博囉特穆爾伏

誅圖沁特穆爾皆奔潰上都以安拜中書右丞兼

上都留守提調虎賁司加光祿大夫賜黃金繫腰
仍命提調東西手巴勒噶齊既而上都分省罷還
授中書平章政事上都留守位居第一力辭不允
召為大宗正府伊克札爾固齊

舊作也可札魯
忽赤今改正遷

翰林學士承旨除知樞密院事大撫軍院事

欽定熱河志卷八十六

欽定四庫全書

欽定熱河志卷八十七

人物一

列女 流寓 方外 并附

熱河山川雄秀英傑鍾靈方今改設郡縣建立學校人材由是蔚興而前代自魏晉以還生其地者代有賢豪遼金及元為中京北京上都大寧地文武輩出亦炳然可觀焉茲特綜成事具錄於篇至於列女貞操足風時俗與夫名賢流寓釋道棲真

託跡靈區者並採附簡末俾來者觀感興起志人
物第十八

晉

孫泳 十六國春秋前燕錄咸康四年趙率衆來
伐朝鮮令昌黎孫泳帥衆拒趙大姓王清等密謀
內應泳收斬之同謀數百人惶懼請罪泳皆赦之
與同拒守雋二年伐趙趙征東將軍鄧恒焚倉庫
棄安樂遁去都尉泳急入安樂撲滅餘火藉其穀

帛儁以泳為廣甯太守

謹按慕容氏時昌黎有二咸康三年以前昌黎郡當渝水下流海口在今錦州府境與熱河所屬無關至前燕錄稱徙昌黎郡築好城以逼乙連事在咸康三年後其地已移屬龍城以西為今八溝東境卷中孫泳以下諸人事蹟皆在咸康四年以後例得載入至廬副鳩為昌黎徙河人徙河本漢縣在前燕時亦隸錦州府境至慕容

容垂遣驃騎將軍農出蠕螭塞攻令支討餘巖
置幽州牧後已屬熱河境內

詳見建
置沿革

故亦仍編

載焉

劉斌 十六國春秋前燕錄廐以昌黎劉斌典機
要咸康二年號遣斌送王齊等於建康偶二年伐
趙留世子守龍城以內史斌為大司農與典書令
皇甫真留統後事

韓宰 十六國春秋前燕錄韓宰昌黎人仕偽為

謁者僕射揚威將軍子昞降於魏

谷袞 十六國春秋後燕錄谷袞昌黎人也膂力

兼人彎弓三百斤勇冠當時仕垂至廣武將軍

盧副鳩 十六國春秋後燕錄盧副鳩昌黎徒河

人也仕垂為尚書令臨澤公

北魏

屈遵

孫恒曾
孫道賜

魏書屈遵傳屈遵字子皮昌黎徒

河人也

魏書太平真君八年併
徙河屬昌黎郡廣興縣

名著當時慕容垂

以為博陵令太祖南伐屬城長吏多逃竄遵獨告
其吏民曰往年寶師大敗今茲垂征不還天之棄
燕人弗支也魏帝神武命世寬仁善納御衆百萬
號令若一此湯武之師吾欲歸命爾等勉之遂歸
太祖素聞其名厚加禮焉拜中書令出納王言兼
總文誥中原既平賜爵下蔡子從駕還京師卒
遵子須須長子恒字長生沈深有局量少纂家業
尤善書計給事諸曹遷將作監世祖即位稍遷尚

書右僕射加侍中以破平涼功賜爵濟北公加平
南將軍督諸軍東伐進號鎮東大將軍師次和龍
馮文通致牛酒犒軍獻甲三千恒責其不送侍子
數之以王命遂掠男女六千口而還世祖信任之
委以大政車駕出征常居中留鎮與襄城公盧魯
元俱賜甲第真君四年墜馬卒時世祖幸陰山恭
宗遣使乘傳奏狀世祖悼惜謂使人曰汝等殺朕
良臣何用乘馬遂令步歸 恒子道賜襲祖爵進

為尚書加散騎常侍善騎射機辯有辭氣世祖甚
器之

谷渾 魏書谷渾傳谷渾字元冲昌黎人也父袞
勇冠一時渾少有父風任俠好氣以父母在常自
退抑晚乃折節受經業被服類儒者以善隸書為
內侍左右遷前鋒將軍世祖即位從征赫連昌遷
侍中安南將軍領儀曹尚書賜爵濮陽公渾正直
有操行性不苟合趨舍不與已同者視之蔑如然

不以富貴驕人時以此稱之卒諡文宣

盧魯元 魏書盧魯元傳盧魯元昌黎徒河人也

曾祖副鳩祖父並至大官魯元敏而好學寬和有
雅度太宗時選為通直郎以忠謹給侍東宮恭儉
盡節世祖親愛之及即位以為中書侍郎拾遺左
右寵待彌深魯元益加謹肅內外大臣莫不敬憚
焉性多容納善與人交好掩過揚美由是公卿咸
親附之工書有文才累遷中書監領秘書事賜爵

襄城公從征赫連昌世祖親追擊之入其城門魯元隨世祖出入是日微魯元幾至危殆真君三年車駕幸陰山魯元以疾不從及薨世祖臨其喪贈襄城王諡曰孝葬於崢山為建碑闕自魏興貴臣恩寵無與為比子統襲爵

韓秀 魏書韓秀傳韓秀字白虎昌黎人也祖宰父炳秀歷遷尚書郎賜爵遂昌子拜廣武將軍高宗稱秀聰敏清辯才任喉舌命掌機密延興中尚

書奏以敦煌一鎮界遠西北欲移就涼州秀獨謂
徙就姑臧慮人懷異意乃從秀議太和初遷內侍
長後為平東將軍青州刺史假漁陽公在州數年
卒子務襲爵

韓麒麟

子興宗顯
宗孫子熙

魏書韓麒麟傳韓麒麟昌黎

棘城人也

魏書太平真君八年
併棘城屬昌黎郡

自云漢太司馬增

之後父瑚麒麟幼而好學美姿容善騎射恭宗監
國為東曹主書高宗即位賜爵魯陽男加伏波將

軍父亡在喪有禮後參征南慕容白曜軍事進攻
升城師人多傷及城潰白曜將坑之麒麟諫曰勅
敵在前便坑其衆恐自此以東人各為守三齊未
易圖也白曜從之皆令復業齊人大悅高祖時除
冠軍將軍齊州刺史假魏昌侯在官寡於刑罰以
新附之人未階臺官士人沈抑宜推用豪望從之
京都大飢復表陳時務卒於官遺勅殯以素棺事
從儉約麒麟立性恭慎恒置律令坐傍臨終之日

唯有俸絹數十疋其清貧如此贈散騎常侍安東
將軍燕郡公諡曰康 長子興宗字茂先好學有
文才官秘書中散 興宗弟顯宗字茂親性剛直
能面折廷諍亦有才學法門法撫三齊稱其聰悟
嘗與顯宗校試抄百餘人名各讀一遍隨即覆呼
法撫猶有一二舛謬顯宗了無誤錯太和初舉秀
才對策甲科除著作佐郎車駕南討兼中書侍郎
既定遷都顯宗上書其一願與駕早還北京省諸

州供帳其二北都富室競以第宅相尚今因遷徙
宜申禁約令貴賤有檢無得踰制其三輿駕還洛
陽輕將數千騎銜輟或失願少垂省察其四願垂
拱司契委下員成高祖頗納之又上言進賢求才
朝廷但檢門望不復彈坐當校其有寸長銖重者
即先叙之又止姦在於防檢不在嚴刑又代京宜
建畿置尹崇本重舊以光萬葉又伎作不可襍居
士人不宜異處又僑置中州郡縣名數甚衆疑惑

書記錯亂區宇非所以疆域物土可依地理舊名
釐草又賜資太過不可以親近之昵猥損天府之
儲又諸宿衛內直者宜令武官習弓矢文官諷書
傳今給蒲博之具徒損朝儀一宜禁止高祖善之
後為本州中正車駕南伐軍次赭陽蕭鸞戍主成
公期遣高法援等來擊顯宗親率拒戰斬法援首
高祖詔曰卿破賊斬帥何為不作露布顯宗曰臣
頃聞鎮南將軍王肅獲賊二三驢馬數匹皆為露

布臣在東觀私每哂之近雖仰憑威靈擒斬不多
所以斂毫卷帛解上而已新野平以為鎮南廣陽
王嘉諮議參軍後上表訴前征勲詔以白衣守諮
議卒顯宗撰馮氏燕志孝友傳各十卷傳於世景
明初追赧陽勲賜爵章武男興宗子子熙字元
雍少自修整有學識侍中崔光舉為清河王懌常
侍遼郎中令初興宗以爵讓弟顯宗不受子熙緣
父素懷卒亦不襲及顯宗卒子熙別蒙賜爵乃以

先爵讓弟仲穆父亡居喪有禮子熙為懌所眷元
又害懌久不得葬每言王若不得復封以禮遷葬
誓終身不仕靈太后返政以元又為尚書令解其
領軍子熙伏闕上書靈太后義之乃引子熙為中
書舍人後遂賜元人死子熙清白自守不交人事
少孤為叔顯宗撫養及顯宗卒子伯華幼子熙友
愛等同生長猶共居車馬資財隨其費用又上書
求析階與伯華於是除伯華東太原太守興和中

為侍講卒遺戒不求贈諡

孫紹 魏書孫紹傳孫紹字世慶昌黎人世仕慕
容氏祖志入國父協字文和紹少好學陰陽術數
多所貫涉初為校書郎稍遷給事中朝廷大事好
言得失遂為世知與常景等共修律令性抗直每
上封事懇切不憚犯忤兄世元早卒善彈箏紹後
聞箏聲便涕泗鳴咽世以此尚之曾與百僚赴朝
東掖未開紹於衆中引吏部郎中辛雄竊謂之曰

此中諸人唯吾與卿猶享富貴雄甚駭愕未幾有
河陰之難紹善推祿命事驗甚多遷左衛將軍右
光祿大夫卒諡曰宣

盧醜 魏書盧醜傳盧醜昌黎徒河人魯元之族
世祖為監國醜以篤學博聞入授經後以師傳舊
恩賜爵濟陰公除鎮軍將軍拜尚書加散騎常侍
出為河內太守延和二年卒

北周

怡峰 周書怡峰傳怡峰字景阜遼西人也本姓
默台因避難改焉高祖寬燕遼西郡守魏道武時
率戶歸朝曾祖文峰少從征役以驍勇聞永安中
為都將討万俟醜奴以功授給事中明威將軍轉
征虜將軍都督齊神武與魏孝武構隙太祖令峰
率輕騎赴洛陽至潼關值魏西遷即從太祖回洛
復潼關拜安東將軍華州刺史尋轉大都督討曹
泥進爵華陽郡公從破竇泰威名轉盛授開府儀

同三司拜夏州刺史討劉平伏有功東魏圍潁川
赴援至南陽疾卒峰沈毅有膽畧得士心太祖嗟
悼久之諡曰襄威子昂光春

謹按北周時無遼西郡號自隋書地理志始稱
遼西郡舊置營州統柳城周書成於隋代當時
為怡峰立傳或即現在所置地書之亦未可知
故仍載入

豆盧寧

弟永恩

周書豆盧寧傳豆盧寧字永安昌

黎徒河人本慕容氏前燕之支庶也高祖勝燕皇
始初歸魏授長樂郡守賜姓豆盧或云避難改焉
父長柔元鎮將有威重見稱於時寧少驍果有志
氣身長八尺美容儀善騎射永安中以別將授都
督破万俟醜奴嘗與梁企定遇於平涼相與肄射
懸莎草百步射之七發五中定服其能侯莫陳悅
反率衆歸大祖從擒竇泰破劉平伏羗帥武興氏
反叛討平之武成初為同州刺史封楚國公保定

四年授岐州刺史大軍東討與疾從薨於同州諡
曰昭初寧未有子養弟永恩子勛及生子讚親屬
請為嗣寧曰兄弟之子猶子也以勛為世子永恩
少有識度與寧俱歸授珍冠將軍屢逢征討皆有
功封沃縣公卒諡曰敬子通

庾信豆盧公神道碑君諱永恩字某號之後也尚
書府君改姓豆盧筮仕於魏祖代左右將軍魏文
皇帝直寢父長少以雄畧知名

謹按北魏之昌黎郡在今塔子溝東境北齊時
為龍城縣地周承北齊之業則昌黎郡人例得
編載至豆盧恩碑顧炎武金石文字記云今在
咸陽縣碑云恩字永恩北史附見其兄豆盧寧
傳但言永恩而闕其名據此則永恩本名恩後
乃以字行耳庾信集諱字不同應以碑為正

隋

豆盧勣

子毓
兄通

隋書豆盧勣傳豆盧勣字定東昌

黎徒河人也本姓慕容燕北地王精之後也中山
敗歸魏北人謂歸義為豆盧因氏焉祖長父寧勣
生時周太祖親幸寧家時新破齊師因字曰定東
聰悟有器局少受業國子學畧涉文藝魏封義安
縣侯周改丹陽郡公明帝時勣自以經業未通請
解職勅以本官就學拜邛州刺史未之官渭源燒
當羗因飢作亂以勣有才畧轉渭州刺史甚有惠
政德澤流行宣帝大象二年拜利州總管進位上

大將軍月餘拜柱國高祖為丞相益州總管王謙
作亂勳嬰城固守經四旬勢漸迫出奇兵擊之斬
數千級降二千人使持節上柱國賜一子爵中山
縣公開皇二年突厥犯塞以勳為北道行軍元帥
備邊歲餘拜夏州總管以疾徵還卒諡曰襄子賢
嗣 賢弟毓字道生少英果有氣節漢王諒出鎮
并州毓以妃兄為王府主簿征突厥以功授儀同
三司煬帝即位徵諒入朝諒納詔議王頊之謀發

兵作亂毓苦諫不從因謂弟懿曰吾匹馬歸朝自
得免禍此乃身計非為國也今且偽從以思後計
毓兄顯州刺史賢言於帝曰臣弟毓素懷志節必
不從亂但逼兇威不能克遂臣請從軍與毓為表
裏諒不足圖也許之賢密遣家人齎勅書至毓所
諒出城將往介州令毓與總管屬朱濤留守毓謂
濤曰漢王構逆敗不旋踵當與卿出兵拒之濤驚
曰王以大事相付何得有是語拂衣去毓追斬之

閉城拒諒部分未定諒襲擊之遂見害時年二十八及諒平贈大將軍封正儀縣公諡曰愍子願師嗣通字平東勣之兄也一名會有器局入朝官典宿衛出拜定州刺史轉相州刺史遷夏洪二州總管所在並稱寬惠卒諡曰安有子寬

新唐書宰相世系表豆盧氏本姓慕容氏燕王廐弟西平王運生尚書令臨澤敬侯制制生右衛將軍止地愍王精降後魏北人謂歸義為豆盧因賜

以為氏居昌黎棘城二子醜勝

又考證沈炳震曰後燕錄慕容寶傳精為慕容麟所殺未嘗降後魏南燕錄慕容鍾傳鍾封北地王降後秦封歸義侯是北地王之封歸義侯者乃南燕之北地王鍾非後燕之北地王精且降後秦非後魏也

謹按新唐書表沿隋書之誤但隋書歸魏無主名表則直指精耳十六國春秋運孫慕容永有

傳所謂西燕者也制無考北地王精亦未知為
何人後又周書首列勝合觀隋書及庾信二碑
惟勝之子失名次曰代次曰長次曰寧曰永恩
寧子曰勣曰讚勣子曰賢曰毓毓之子曰願師
永恩子曰通通一名會子曰寬歷歷可考新唐
書表長子永恩永恩子通通子寬亦同長即長
也自長以下皆系醜而不系勝蓋誤又豆盧得
氏之始周書以為勝庾信碑以為勝之子而舊

唐書豆盧欽望傳又以為萇俱不同大抵鍾降
後秦為歸義侯而凡慕容氏皆從之改豆盧氏
不必定在魏且鍾於魫為從子不得為運孫據
庾信碑寧兄弟為魫後亦不得系之於庾弟運
姑缺疑焉

唐

尚可孤 唐書尚可孤傳尚可孤字可孤東部鮮
卑宇文之別種世處松漠間天寶末隸安祿山復

事史思明上元中自賊所歸累授左右威衛大將軍封白水縣伯為神策大將以功試太常卿徙封馮翊郡王魚朝恩主衛兵器其勇養為子名智德使將兵三千屯扶風武功歷十餘年隊伍閑整朝恩死賜氏李名嘉勲李希烈叛擢為招討復本姓名累戰有功朱泚之難召可孤可孤率兵三千道襄鄧而西遂收藍田德宗將遷梁州命引兵守灊上拜神策京畿渭南商州節度招討使進軍與李

晟收長安為先鋒以功加檢校尚書左僕射又會諸軍進討李懷光次沙苑卒於軍可孤性謹審沈壯既有勲勞嘗自論功御衆公嚴晟數稱之

侯希逸 新唐書侯希逸傳侯希逸營州人長七尺豐下銳上天寶末為州裨將守保定城安祿山反使中人韓朝敫傳命希逸斬以徇祿山又以親將徐歸道為節度使希逸率兵與安東都護王元志斬之遣使上聞詔拜元志平盧節度使元志卒

共推希逸數有功然孤軍無援又為奚侵掠乃拔其軍二萬浮海入青州據之平盧遂陷肅宗因以爲平盧淄青節度使自是淄青常以平盧冠使寶應初與諸軍討平史朝義加檢校工部尚書圖形凌烟閣希逸始得青治軍務農有收後召還檢校右僕射封淮陽郡王遷司空未及拜卒

謹按平盧軍屬營州都督故舊唐書希逸本傳稱平盧人其實一也後李惠登亦然

張孝忠 新唐書張孝忠傳張孝忠字孝忠本奚
種世為工失活酋長父謐納款授鴻臚卿孝忠始
名阿勞以勇聞燕趙間共推張阿勞王沒諾干齊
名沒諾干王武俊也孝忠魁偉長六尺性寬裕事
親孝天寶末以善射供奉仗內安祿山奏為偏將
祿山史思明陷河洛常為賊前鋒朝義敗自歸以
兵屬李寶臣易州諸屯委以統制十餘年威惠流
聞田承嗣寇冀州寶臣付兵四千使出上谷屯貝

邱承嗣見其軍整嚴歎曰阿勞在冀未可圖也寶
臣晚節稍忌刻殺大將李獻誠等召孝忠不往寶
臣死子岳擅立詔朱滔討之孝忠遣易州錄事參
軍董真入朝德宗嘉之朱滔與武俊叛遣蔡雄說
之啖以金帛皆不受滔悉兵攻之詔李晟率師援
孝忠遂全其軍天子出奉天遣將楊榮國佐晟收
京師貞元二年河北蝗民多餓死孝忠與其下同
粗淡日膳裁豆蜡而已人推為賢將子茂昭茂宗

茂和

謹按權德輿撰碑稱諱孝字達忠不同為易州
時封符陽郡王傳與碑同獨舊唐書本傳作范
陽今易州有唐時石刻張公山亭再葺記其文
云光祿大夫試太子賓客使持節易州諸軍事
兼易州刺史充高陽軍使兼御史中丞符陽郡
王張公與權碑合則知以符陽為范陽者舊史
之誤也

李惠登 唐書李惠登傳李惠登營州柳城人為
平盧軍裨將安祿山亂從董秦泛海畧定滄棣等
州輕軍遠鬪賊戰輒北史思明反惠登陷賊以計
挺身走山南依來瑱表試金吾衛將軍李希烈反
屬以兵二千使屯隋州惠登挈州以歸即拜刺史
州數被亂野如爇火人無處業惠登雖朴素無學
術而視人所謂利者行之所謂害者去之率心所
安暗與古合政清靜居二十年田畝闢戶口日增

人歌舞之於是節度使于頔收其績詔加御史大夫升隋為上州俄檢校國子祭酒卒贈洪州都督謹按惠登在循吏傳又舊唐書韓愈傳昌黎人唐李翱作行狀宋程俱作年譜並同今詳新唐書宰相世系表韓頽當裔孫尋始遷潁川此愈所自出遷昌黎者尋之先與愈支別離愈亦自稱昌黎但以當日族望言耳新唐書愈傳鄧州南陽人據韓文考異辨宋洪興祖所作年譜以

為河內之南陽鄧州傳蓋附會世系表賴當始
居赭陽之說洪氏亦誤從之二地同名南陽然
遷徙屢更不可遠引也今從考異定愈為河內
南陽人茲不錄

謹按唐書地理志營州柳城郡縣一柳城西北
接奚北接契丹其地當在今塔子溝三座塔境

內詳見建置沿革至唐時營州都督府於萬歲通天二

年曾為契丹李萬榮所陷神龍二年移於幽州

開元四年移還柳城八年又往就漁陽其地雖
俛得俛失但尚可孤諸人事蹟在開元天寶間
去武后未遠計其生時在營州未遷以前故仍
從舊志載入至李光弼唐書本傳雖稱營州柳
城人但其父楷洛於武后時入朝已屬內地故
不附載云

欽定熱河志卷八十七

欽定四庫全書

欽定熱河志卷八十八

人物二

遼

姚景行 遼史姚景行傳姚景行始名景禧祖漢英本周將應歷初來聘用敵國禮帝怒留之及景行既貴始出籍貫興中縣景行博學重熙五年擢進士乙科為將作監改燕趙國王教授不數年至

翰林學士樞密副使叅知政事性敦厚廉直人望
歸之道宗即位多被顧問為北府宰相九年秋告
歸道聞重元亂集行旅三百餘騎勤王比至賊已
平帝嘉其忠咸雍元年出為武定軍節度使明年
驛召拜南院樞密使上從容問治道引入內殿出
御書及太子書示之賜什器車仗帝有意伐宋召
景行問曰宋人好生邊事如何對曰自聖宗皇帝
以威德懷遠宋修職貢迄今幾六十年若以細故

用兵恐違先帝成約上然其言而止致仕不踰月
復舊職丁家艱起復兼中書令大康初鎮遼興以
上京多滯獄命為留守不數月以獄空聞累乞致
仕許之加守大師卒遣使弔祭追封柳城郡王諡
文憲壽隆五年詔為立祠

竇景庸 遼史竇景庸傳竇景庸中京人中書令
振之子聰敏好學清寧中第進士授祕書省校書
郎累遷少府少監樞密直學士大安初遷南院樞

密副使監修國史知樞密院事賜同德功臣封陳國公有疾表請致仕不從加太子太保授武定軍節度使審決冤滯以獄空聞拜中京留守薨諡曰肅憲子瑜三司副使

大公鼎 遼史大公鼎傳大公鼎渤海人先世籍遼陽率賓縣統和間徙遼東豪右以實中京因家於大定曾祖忠禮賓使父信興中主簿公鼎幼莊愿長而好學咸雍十年登進士第調瀋州觀察判

官時遼東雨水傷稼北樞密院大發瀕河丁壯完隄防有司承令峻急公鼎以大興役事非利國便農之道疏請罷役從之水亦不為災改良鄉令奏禁鷹坊雜畢之擾省徭役務農桑建孔子廟學部民服化累遷興國軍節度副使徙長春州錢帛都提點俄拜大理卿多所平反天祚即位歷長寧軍節度使南京副留守改東京戶部使時盜殺留守蕭保先公鼎單騎行郡陳以禍福安輯如故拜中

京留守秉傳赴官境內肅清時人心反側公鼎請
布恩惠為肆赦以安之累表乞歸不許會奴賊張
撒八率無賴嘯聚公鼎欲擊而勢有不能嘆曰吾
欲謝事久矣為世故所牽不幸至此豈命也夫憂
憤成疾卒子昌齡左承制昌嗣洺州刺史昌朝鎮寧
軍節度

馬保忠 契丹國志馬保忠營州人也疏眉目豐
下謹重寡欲斤斤自修人賢其行讀書不謁州縣

往往節用以給親里大饑則振其餘於鄉黨太平
年間授洗馬改著作郎殿中丞興宗朝樞密使尚
父守太師兼政事令封燕國公

金

田灝 金史田灝傳田灝字默之興中人遼天慶
八年進士歷官金部員外郎擢歸德節度使太祖
定燕灝舉四川版圖歸朝加都官郎中權節度使
事四遷知真定府事招降齊博游貴等賊衆五千

餘人三遷行臺左丞彰德軍節度使是時新定力
役灝蠲籍之半而上之故相之繇賦比他州獨輕
改同簽燕京留守民遮留不得出易服夜去入為
刑部尚書居三月請老卒於家

裕爾伯特

舊作瑤里字
迭今改正

金史裕爾伯特傳裕爾

伯特北京路庫本明安

舊作密白極
安今改正

托囉

舊作陀
囉今改

正山穆琨

舊作謀克
今改正

人也以軍功歷海濱令遷徐

王府掾以稱職再任御史臺察廉升同知震武軍

節度使事明昌初為唐州刺史尋授西北路招討
副使改東北路六年正月北兵圍慶州急伯特率
本路軍往救敵解去州境無患承安元年丞相襄
北伐伯特為先鋒副統後授鎮寧軍節度使以六
羣牧人叛改寧昌軍伯特為都統領步騎萬次懿
州敵數萬逆戰勢甚張伯特親陷陣奮擊却之身
中二創捷聞遷一官二年虜軍千餘出沒剽掠錦
懿間伯特追敗之復獲所掠悉還本戶改東北路

招討使以捍邊有功賜詔褒諭三遷為崇義軍節度使卒遣官致祭賜銀五百兩贈金紫光祿大夫伯特勇決善戰任兵鎮十餘年所向克捷凡再遷官賜金幣甚為上倚注云

鄧儼 金史鄧儼傳鄧儼字子威懿州宜民人也天德三年擢進士第大定中為左司員外郎右司郎中尋轉左司掌機務者數年世宗嘗謂宰臣曰人言鄧儼用心不正朕視儼奏事心識甚明在太

府監心亦向公宰臣因奏儼明事機有心力於是擢戶部侍郎翌日復謂宰臣曰吏部掌銓選當得通練人因改命焉累遷中都路都轉運使明昌初為戶部尚書上命尚書省集百官議如何使民棄末務本以廣儲蓄儼言今風俗競為侈靡莫若定立制度使貴賤上下衣冠車馬室宇器用各有等差裁抑婚姻喪葬過度之禮罷去鄉社追逐無名之費用度有節則蓄積日廣矣尋知歸德府事致

仕卒

完顏博恰

舊作伯嘉
今改正

金史完顏博恰傳完顏博

恰字輔之北京路額爾袞必喇

舊作訛魯古
必喇今改正

明安

人明昌二年進士調中都左警巡判官豪右屏迹

除監察御史劾奏平章政事布色

舊作僕散
今改正

揆累

官莒州刺史讞屬縣盜博恰曰饑寒為盜得錢二

千經月不使一錢云何此必官兵捕他盜不獲誣

以準罪耳詰之果然貞祐四年三月博恰奏西京

副統程琢智勇過人以私財募集壯士二萬復取
渾源白登有恢復西山之志盡忠于國百戰不挫
臣恐失機會輒擬琢昭勇大將軍同知西京留守
事兼領一路義軍制可兵部尚書籤樞密院事富
察阿爾布色

舊作蒲察阿里
不孫今改正

為右副元帥備禦潼

關陝州次沔池土濠村兵不戰而潰逸去博恰劾
之宣宗憂旱博恰奏曰今日之旱聖主自用宰相
謠諛百司失職實此之由高琪汝礪深怨之以御

史中丞行尚書省元帥府於河中控制河東南北路便宜從事奏曰本路衝要不可闕官凡召辟者每以艱險為辭乞凡檄召無故不至者宜令降罰悉心幹當者視所歷陞遷詔召不至者決杖一百餘如所請廷議欲棄河東徙其民以實陝西博恰上書諫曰中原之有河東如人之有肩背古人云不得河東不雄萬一失之恐未易取也大忤宰執意罷為中丞河南大水充宣慰副使按行京東奏

曰亳州災最重合免三十餘萬石三司止奏除十萬石民將重困詔治三司奏災不以實罪博恰純直不能與時低昂嘗曰生為男子當益國澤民其他不可學也高汝礪方希寵固位博恰論事輒與之忤由是毀之者衆元光元年坐言事過切降遙授同知歸德府事二年三月遙授集慶軍節度使權叅知政事行尚書省於河中率陝西精銳與平陽公史詠共復河東頃之有疾薨

富察

舊作蒲察
今改正

阿里

金史富察阿里傳富察阿

里興州路人以廕補官充護衛十人長武器署令

遷右衛副將軍宋兵犯分道鋪馳驛赴邊伺其入

以伏兵掩之改提點器物局泰和伐宋從右副元

匡為副統攻宜城縣取之以功遷武衛軍副都指

揮使崇慶初遷元帥左都監都城被圍道路梗塞

移駐大名軍變遇害

珠嘉

舊作朮甲
今改正

臣嘉

金史珠嘉臣嘉傳珠嘉臣

嘉北京明安人襲父穆琨泰和伐宋隸陝西完顏
綱麾下歷通州海州同知軍州事貞祐二年除武
器署丞救集寧有功遷河南統軍判官興平元年
行樞密院於壽州由壽泗渡淮伐宋破宋兵三千
於漸湖灘有詔蹂踐宋境上毋深入臣嘉駐霍邱
楂岡村縱輕騎鈔掠焚毀積聚宋兵屯高柳橋老
幼甚衆其寨兩城環之以水臣嘉獲宋諜者張聰
遣持牒招之不從先令水軍徑渡攻之軍士牛青

操戈刺門卒皆披靡散去遂登陴大軍繼之夷其寨還遇宋兵數千於梅景村臣嘉伏兵林間以步卒誘致之伏發宋兵潰追奔十餘里生擒其將阮世安等五人獲器械甚衆二年賞征南功陞職一等遷元帥右都監充陝西行省叅議官兼金安軍節度使改知延安府事轉左都監駐兵京兆元光元年卒

郭侯 金史郭侯傳郭侯字伯有潭州人大定二

十二年進士調長子主簿萊州觀察判官萊陽縣
令補尚書省令使知管差除除大理寺司直太常
博士左司都事御史臺舉侯才幹可用詔陞一等
除平縣府治中久之召為同知登聞鼓院兼祕書
丞遷禮部郎中滕州刺史同知真定府事上言每
季合注巡尉官吏刑兩部斟酌盜賊多寡處選注
詔議行之大安元年遷遼東按察轉運使改中都
路都轉運使泰定軍節度使陝西東路按察轉運

使貞祐三年罷按察司仍充本路轉運使行六部
尚書改河北西路轉運致仕卒

王維翰 金史王維翰傳王維翰字之翰利州龍
山人父庭遠季率縣人保縣東山後以衆降維翰
好學不倦中大定二十八年進士調貴德州軍事
判官察廉遷永霸令縣豪設事陳訴維翰窮竟其
詐杖殺之健訟衰息佐胥持國治河決有勞遷一
階改北京轉運戶籍判官補尚書省令史除同知

保靜軍節度使事檢括戶籍一郡稱平屬縣有奴
殺主人誣主人弟殺者維翰微行物色得其狀奴
遂引服攝侍御史奏事殿中章宗曰佳御史就除
侍御史布色揆伐宋維翰行省左右司郎中泰和
七年河南旱蝗詔維翰體究田禾分數以聞八年
宋人受盟上問復背盟否維翰對曰宋主急於政
事兩淮千里蕭條其臣無敢執咎者不足憂也惟
北方當勞聖慮耳大安初權右諫議大夫三司欲

稅間架維翰諫不聽轉御史中丞遷工部尚書兼大理卿改刑部尚書拜叅知政事貞祐初罷為定海軍節度使鎮無兵備鄰郡皆望風奔潰維翰謂吏民曰孤城不可守此州阻山浮海當有生地無俱為魚肉也乃縱百姓避難維翰率吏民願從者奔東北山結營堡自守力窮被執不屈死詔贈中奉大夫

鄭子聃 金史鄭子聃傳鄭子聃字景純大定府

人父宏遠金源令二子子京子聃楊邱行嘗謂人
曰金源二子鳳毛也小者尤特達後必名世子聃
及冠有能賦聲天德二年廷試明日海陵以子聃
程文示邱行對曰可入甲乙及拆卷果中第一甲
第三人調翼城丞遷贊皇令名為書畫直長子聃
頗以才望自負常慊不得為第一甲第一人正隆
二年會試畢海陵示以第一人程文子聃少之問
作賦如何對曰甚易因自矜且謂人莫已若也海

陵不悅使與翰林修撰綦戩楊伯仁宣徽判官張
汝霖應奉翰林文字李希顏同進士襍試七月癸
未御寶昌門臨軒觀試以不貴異物民乃足為賦
題忠臣猶孝子為詩題憂國如飢渴為論題上謂
讀卷官翟永固曰朕出賦題能言之或能行之未
可知也詩論題庶戒臣下丁亥御便殿親覽試卷
中第者七十三人子聃果第一海陵奇之有頃進
官三階除翰林修撰改侍御史京畿旱詔子聃決

因遂封兩人以比顏直卿顯宗深器重之以疾求
補外為沂州防禦使皇太子帶膳甚厚命以安輿
之官召還改吏部侍郎遷侍講兼修國史上曰修
海陵實錄知其詳無如子聃者蓋以史事專責之
也卒年五十五子聃英俊有直氣其為文亦然生
平所著詩文二千餘篇

中州集小傳鄭子聃字景純大定人少日有賦聲
時輩莫與為敵天德三年第三人登科士論以為

屈而海陵不之許也正隆二年詔景純再試擇能賦者八人先以題付之以困景純且將視其中與

否罪賞之

御題天錫智勇正萬邦海陵謂侍臣及漢高祖諱不避之可乎乃改作萬國

開卷景純果第一海陵終不以為工與被黜者兩罷之趙獻之賀啟云丹桂一枝不失舊物青錢萬選無愧古人其為名流所稱道如此累官吏部侍郎改侍講學士卒其賦醕醕有玉斧無人解修月珠裙有意欲留仙之句甚為詩家所稱

謹按子聃事史本傳與中州集有三異一第三人登第史係天德二年中州集係三年一史再試時有賦詩論三題中州集抵一賦題又不同一子聃中第一人後史有進官三階文中州集則云與被斥者兩罷之皆不可強合姑兩存之以備考

劉昂 金史劉昂傳劉昂字之昂興州人大定十九年進士曾高而下七世登科昂天資警悟律賦

自成一家詩得晚唐體尤工絕句李純甫故入外
傳云昂早得仕年三十三為尚書省掾調平涼路
轉運副使術士有言昂官正五品昂不信俄以母
憂去職連蹇十年卜居洛陽有終焉之志有薦其
才於章宗者泰和初自國子司業擢為左司郎中
會掌書大中與賈鉉漏言除授事為言者所劾獄
辭連昂章宗震怒一時聞人皆遣逐之鉉罷政昂
降上京留守判官道卒竟如術者之言

李經 金史李經傳李經字天英錦州人作詩極
刻苦喜出奇語不蹈襲前人李龍甫見其詩曰真
今世太白也由是名大震再舉不第拂衣去南渡
後其鄉帥有表至朝廷士大夫識之曰此天英筆
也朝議以武功就命卒其州後不知所終

中州集小傳李經作詩極刻苦如欲絕去翰墨蹊
逕間者李趙諸人頗稱道之嘗有詩云雁奴失寒
更拍拍叫秋水天長夢已盡秋思紛難理最為得

意其餘或有不可曉者累舉不第卒

謹按金史地理志錦州舊屬興中後屬大定其地當有與今境相錯者故李經本傳及歸潛志並以爲錦州人

孫德淵 金史孫德淵傳孫德淵字資深興中州人也大定十六年進士調石州軍事判官涑水丞察廉遷沙河令有盜秋桑者主逐捕之盜以义自刺其足面曰秋桑例不禁採汝何得刺我主懼賂

而求免盜不從訴之縣德淵曰若逐捕而傷瘡必
在後今在前乃自刺也盜遂引服選尚書省令史
不就丁父憂去官民為刻石祠之累官大理丞兼
左拾遺審官院奏德淵剛正幹能可任繁劇遂再
任大安初遷盤安軍節度使改河北西路按察轉
運使改昭義軍節度使潞州破被執俄有拜於前
者皆沙河舊民也密護德淵由是得脫貞祐二年
拜工部尚書攝御史中丞是時山東乏兵食有司

請鬻恩例舉人居喪者亦許納錢就試德淵奏此
大傷名教事遂寢尋致仕監察御史許古論德淵
忠亮明敏可大用士大夫望朝廷起復必能建明
以利國家宣宗嘉納未及用而卒

趙子翼 中州集小傳趙子翼字士美大定人正
隆二年進士性剛果與物多忤用是仕宦不進以
同知臨海軍節度使事致仕居真定有詩樂府傳
於世父仲尹子叔獻三世皆仕至四品職名亦相

近士美詩有筆力如賦臨海乳山萬松堂為可見
矣

趙之傑 中州集小傳趙之傑字伯英大定人本
名宗傑避諱改大定十六年進士歷西京提刑副
使隸州防禦使終於太常卿使宋還言事云宋人
文敝之極且脆弱不足為慮邊鄙為可慮也其前
識如此子繪名進士早卒孫季卿在燕中

冀禹錫 中州集小傳冀禹錫字京父龍山人崇

慶二年進士調沈邱簿與令不相能令以贓敗疑京父發之賂權貴誣京父以賓客依託之事坐廢十年朝臣薦其才者數十人終為銓曹所礙居襄邑部使者起之攝旁近諸縣所至有父母之愛農司治許昌又為主事區處餽餉上下千餘里不露聲迹而條畫次第皆具雖鱗雜米鹽若不足經意者問之應如指掌時人多目以為不及也正大中當路諸公力辯其被誣乃得以常調守扶風丞召

補省掾不就歸德奏充知事及城被攻京父為經
歷官守禦之策一府倚重之車駕至授左右司都
事兼應奉翰林文字官奴之變家人勸京父羸服
免禍不從有自外至者曰禁中賊滿矣乃自投水
中

歸潛志冀禹錫京父惠州龍山人幼聰明絕倫年
十九擢大興魁入太學有聲弱冠登高第時號得
人入仕以能稱遇事風生老吏莫及初任沈邱簿

以年少喜交遊飲酒遂為令所乘坐廢再調考拓
二城皆主簿又以治聞由前過終不得京官朝士
累薦為當途所沮得扶風丞因客睢陽為行樞密
院辟為都事末帝東遷擢為應奉翰林文字充尚
書省都事富察官奴之變與宰相李蹊同見殺年
四十三京父詩鍛鍊甚工寫畫亦勁健可喜散文
亦精緻

謹按金史地理志無惠州遼金二史地理志惠


州下並無龍山縣歸潛志言惠州當是利州之
悞

劉海 元史劉濬傳劉濬字濟川其先興州人曾祖海
金進士第一人仕至河南府尹死國難子孫遂家
河南

侯金鼎 元好問詩集贈利州侯神童詩注兒字
金鼎生十四月識字予見時生二十一月識字無

算詩見
藝文

謹按神童之名無考始以字列之



欽定熱河志卷八十八